



Umhverfis- og auðlindaráðuneytið
b.t. Sigurbjargar Sæmundsdóttur
Skuggasundi 1
150 REYKJAVÍK

Reykjavík, 31. janúar 2019
Tilvísun: 2019010418

Efni: Efnalög nr. 61/2013, áform um lagasetningu.

Vísað er til áforma um lagasetningu sbr. samþykkt ríkisstjórnarinnar frá 10. mars 2017, 1.-4. gr. Á samráðsgátt er málið á vegum umhverfis- og auðlindaráðuneytis til umsagnar og tvö gögn meðfylgjandi, annars vegar Áform um lagasetningu og hins vegar Mat á áhrifum lagasetningar.

Heilbrigðiseftirlit Reykjavíkur (HER) hefur á þessu stigi máls farið yfir gögn sem liggja fyrir en frumvarp til laga er áformað að leggja fyrir á vörpingi 2019 eftir að samráð hefur verið haft við m.a. viðeigandi stjórnvöld.

HER vill á þessu stigi nefna að boðuð einföldun, skýrleiki og jafnræði er af hinu góða. Boðaðar eru breytingar sem eru taldar nauðsynlegar að gera á lögunum til að tryggja þetta og afleiðingar ef það væri ekki gert. Nefnt er að skerpa eigi á hlutverkum stjórnvalda og þ.á.m. gera skýrari hlutverkaskiptingu Umhverfisstofnunar (UST) og HES. Það er vel og er þá ákvæði 4. ml. , 6. gr. vel til þess fallinn að verða tekinn burt til samræmis við kröfur til annarra stjórnvalda sem hafa hlutverk skv. lögunum. Einnig þar að vera alveg skýrt í lögunum að HES sem stjórnvöld hafi sömu úrræði og UST til að framfylgja lögnum. Fram kemur að UST eigi að geta beitt stjórnvaldssektum til framfylgd vissra ákvæða laganna. Ef þessi heimild verður almenn gerir HER kröfu um að öll stjórnvöld sem hafa hlutverk skv. lögunum fái slíkt hið sama.

Í mati á áhrifum lagasetningarinnar koma fram nokkur atriði sem snerta eftirlit HES s.s. landsáætlun um útfösun tannsilfurs, áhættugreiningu á menguðum svæðum o.fl. Fram kemur að ákveðinn stofnkostnaður er áætlaður og eins árlegur kostnaður en að nánari kostnaðaráætlun verði unnin. Athygli vekur að í E lið 1 er einungis nefndur þessi kostnaður og áhrif hans á ríkið. Hér þarf að taka til með sveitarfélög/HES og kostnað þeirra af breytingunum. Einnig vekur athygli að í D lið 12 er tiltekin jákvæð umhverfisáhrif vegna lagabreytinganna en ekki jákvæð áhrif á lýðheilsu í lið 7. HER bendir á að öll jákvæð umhverfisáhrif hafa áhrif á lýðheilsu enda umhverfisþættir einn af áhrifapáttum í góðri lýðheilsu. Þetta er hins vegar réttilega nefnt í C lið 1. í Áformum um lagasetningu.

Heilbrigðiseftirlit Reykjavíkur áskilur sér rétt til umsagna á seinni stigum málsins.

Virðingarfyllt
f.h. Heilbrigðiseftirlits Reykjavíkur

Árný Sigurðardóttir
framkvæmdastjóri